



"Los Arubeños", un trio di tres guitarra y tres voz, den nan 25 aña di existencia, tabata sa di alegre un y tur cu su canto y musica.

E trio tabata tin cambio di componentenan, esta: den e promer aña a forma parti, Sr. Catey Werleman, y den su di diestres aña tabata Sr. Mario Croes, kendenan hunto cu e co-fundador Sr. Rey Lampe ainda tin e trio activo.

E trio, debidamente na un manera digno, a representa Aruba (tambe Antillas neerlandes) den exterior, entre otro: Mexico den Hotel Mexico combina cu Mariachi, Puerto Rico, Alemania na unda entre agrupacionnan musical di 120 pais, e trio a cay den e cinconan pa presenta na Television Canal 2 den un programa cu a cubri un gran parti di Europa y venciario, Venezuela, Curacao, den consierto cu trio Los

Condes y Bonaire; cuidadnan manera Baltimore; Philadelphia; Brooklyn, New Jersey, New York City y Cruiseship.

E trio a ricibi den pasado premio Oro Aruba y Aloe di oro.

Los Arubeños ta integrante tambe di un grupo Tipico Los Virreyes y tabata forma parti di Mariachi Universo, alavez ta canta diferente misa.

Tambe e trio a sobresali den diferente festival- y show-nan musical cu otro agrupacionnan, entre otro trio-nan di Curacao, Bonaire, Cuba, Puerto Rico y Spaña etc., ariba un nivel profesional, igual na otro musiconan local.

Nan tin composicionnan propio, for di cualnan otro gruponan tambe por a haci uso di nan pa grabacion (algun den combinacion cu e trio), sin ningun interes particular, respaldando asina nos cultura ariba tereno musical.

PREMIO MO TITO Y RUFO WEVER DEDICA NA TRIO "LOS ARUBEÑOS"

Nan grandeza ta e respaldo total obteni for di local- y stranhero-nan; nan exito ta e percuracion pa un presentacion bon acopla y disciplina, y nan deseo ta: mira den

e generacion nobo interes pa mantene e tradicion aki esta: "tres guitarra y tres voz".

Cu orguyo nan a acepta e dedicacion di e Premio Mo-Tito y Rufo Wever, un re-

conocimento cu sigur nan merece.

No lubida: trio "los Arubeños" ta di nos.

Ta un honor pa e trio y pa e pueblo Arubano.